

已

是謂不爭之德好是懿德是謂用人之德天理自見是謂配天高明之極

大道乃明

又曰言此不武不怒不爭而善下也皆德也德而不自有其力者也德烏在是即不爭之謂也而不自有其力則且以用人之力矣渾渾而蕩蕩匪匪而巍巍是尚不可以配天而與古為徒至極而無以復加也哉

立用章第六十九

用兵有言託已設義吾不敢為主而為客任他為主我為賓不敢進寸而退

尺分寸之間進退火候是謂行無行莫慘於志下攘無臂不得已仍無敵陣

道藏輯要

道德經解

全

心集一

交鋒定太平執無兵兩枝慧劍埋真土

光垣帝君注曰道德尊經八十有一篇其言兵者數篇非好談兵也所以甚惡用兵而垂戒也此篇通體雖是說兵實以喻道讀者勿以文害辭辭害義也用兵有言猶云古之用兵者曾有是說主則制敵之謂客則應敵之謂制敵則尚武尚爭應敵則不過敷衍應酬期無敗覆而已故善戰者不敢為主而為客也進寸則其進無幾而已居然進矣若退尺則退之惟恐不遠者也不主而客不進而退皆所謂守柔守虛而無或強與實矣凡軍行者必有行列而攘臂以爭之因敵以仍之持兵以執之若為客與為退則不陣而行之如無行也

不爭而攘之如無臂也不戰而仍之如無敵也不勇而執之如無兵也退而為客其知道乎仍就也詩云仍執醜虜是也

禍莫大於輕敵守城野戰要防危輕敵則幾喪吾寶恐喪吾家無價寶故抗兵

相加縱橫順逆沒遮欄哀者勝矣飲酒戴花鬼神哭

又曰由此觀之兵者禍也用兵而輕敵尤禍之禍也故禍莫大於輕敵一輕敵幾喪失吾寶矣寶即上篇三寶之寶如是而奈何獨恃力以尚強乎故當抗兵相加之時能時切哀矜之心者方為愛人之至而不欲勝人常制勝矣誠即用兵之道以悟立身之道道不遠矣

知難章第七十

道藏輯要

道德經解

舍

心集一

吾言甚易知惟心而已甚易行惟道而已天下莫能知不知無心莫能行不知大道

光垣帝君注曰天下平近淺淡之處即精深微妙之所存道本平近淺淡者也以此道而發為言吾言甚易知以此道而見諸事吾事甚易行耳易知則宜盡人能知矣易行則宜盡人能行矣而天下卒莫能知與行者何哉以平近淺淡之不足知不足行故也而求之於精深微妙則反失其知與行嗚呼其亦不思甚矣

言有宗物有本事有君事有終始夫惟無知冥然是以不我知夫復何有

又曰由是論之與其言之無稽何如簡默之為貴也言本有宗離乎宗者非言也與其行之不軌何如樸率之為貴也事